

Պատմություն 2017

ՀԱՐՑԱՏՈՄՍ

11 - րդ դասարան

I. ԹԵՍԱՅԻՆ ԱՌԱՋԱԴՐԱՆՔՆԵՐ

(17 միավոր)

1) <<ՀԱՅՈՑ ՊԱՏՄՈՒԹՅՈՒՆ>>

(12 միավոր)

ա. **Նշել ճիշտ պատասխանը. 1–8–րդ առաջադրանքներ:** (0,5 X 8 = 4 միավոր)

- Ամենայն հայոց կաթողիկոս Հակոբ Զուղայեցին ե՞րբ էջմիածնում գումարեց Հայաստանի ազատագրության հարցին նվիրված գաղտնի ժողով:**
 - 1) 1677 թ.
 - 2) 1678 թ.
 - 3) 1679 թ.
 - 4) 1680 թ.
- Ե՞րբ Իսրայել Օրին դեսպանական խմբով ժամանեց Շամախի քաղաք:**
 - 1) 1701 թ.
 - 2) 1705 թ.
 - 3) 1708 թ.
 - 4) 1709 թ.
- Ո՞ր քաղաքում առաջին անգամ լույս ընծայվեց <<Նոր տետրակ, որ կոչի յորդորակ>> գիրքը:**
 - 1) Կալկաթա
 - 2) Մադրաս
 - 3) Բոմբեյ
 - 4) Ագրա
- Ե՞րբ հրապարակվեց Հայոց եկեղեցուն վերաբերող կանոնադրությունը (պոլոժենիե):**
 - 1) 1830 թ. մարտի 11-ին
 - 2) 1836 թ. մարտի 21-ին
 - 3) 1830 թ. մարտի 31-ին
 - 4) 1836 թ. մարտի 11-ին
- Բայազետի հայ կամավորներից ո՞վ կարողացավ ծպտյալ անցնել թշնամու օղակով և տեղեկացնել գեներալ Արշակ Տեր-Ղուկասովին բերդի օրհասական դրության մասին:**
 - 1) Սամսոն Տեր-Պետրոսյան
 - 2) Հակոբ Տեր-Պողոսյան
 - 3) Սամսոն Տեր-Պողոսյան
 - 4) Սիմոն Տեր-Պետրոսյան
- Ե՞րբ Օսմանյան կայսրության նահանգային իշխանավորներին ուղարկվեց Թալեաթի, Էնվերի և Նազըմի կողմից ստորագրված գաղտնի հրամանը, որով հրահանգվում էր խստորեն գործադրել հայերի ոչնչացման ծրագիրը:**
 - 1) 1915 թ. փետրվարի 25-ին
 - 2) 1915 թ. ապրիլի 5-ին
 - 3) 1915 թ. ապրիլի 11-ին (նոր տոմարով՝ 24-ին)
 - 4) 1915 թ. ապրիլի 15-ին
- 1915 թ. մայիսին ո՞ւմ գլխավորած կամավորական ջոկատը մտավ Շատախ գավառի կենտրոն Թաղ:**
 - 1) Անդրանիկ
 - 2) Դրո
 - 3) Համազասպ
 - 4) Վարդան
- 1917 թ. դեկտեմբերին Կովկասի գործերի արտակարգ ժամանակավոր կոմիսար նշանակվեց՝**
 - 1) Ալեքսանդր Մյասնիկյանը
 - 2) Վառլամ Ավանեսյանը
 - 3) Ստեփան Շահումյանը
 - 4) Սարգիս Լուկաշինը

բ. Լրացնել պատասխանը:

(1 X 4 = 4 միավոր)

1. Իրադարձությունները դասավորել ժամանակագրական հաջորդականությամբ:
(1 միավոր)

- ա) Հայ հեղափոխական դաշնակցություն (ՀՅԴ) կուսակցության հիմնադրումը
- բ) Հնչակյան կուսակցության ծրագրի հրատարակումը
- գ) Գրիգոր Արծրունու գլխավորությամբ գաղտնի խմբակի ստեղծումը Թիֆլիսում
- դ) Հնչակյան կուսակցության պառակտումը
- ե) Հայ սահմանադրական ռամկավար կուսակցության ստեղծումը
- զ) Հայկական բարեգործական ընդհանուր միության հիմնադրումը

1	2	3	4	5	6

2. Մշակութային իրադարձությունները դասավորել ըստ ժամանակագրական հաջորդականության:
(1 միավոր)

- ա) «Բազմավեպ» հանդեսի տպագրության սկիզբը
- բ) «Համատարած աշխարհացույց» քարտեզի հրատարակումը Ամստերդամում
- գ) Հայ իրականության մեջ առաջին երկսեռ դպրոցի բացումը Կալկաթայում
- դ) Առաքել Դավրիժեցու «Գիրք պատմութեանց» աշխատության առաջին տպագրությունը
- ե) Երեմիա Քեոնուրճյանի կողմից տպարանի հիմնադրումը Կ.Պոլսում
- զ) Մովսես Խորենացու «Հայոց պատմության» հրատարակումը ռուսերենով Ս. Պետերբուրգում

1	2	3	4	5	6

3. Համապատասխանեցնել ազատագրական խմբակների և նրանց ստեղծման վայրերի անունները:
(1 միավոր)

- 1) «Միություն ի փրկություն»
- 2) «Բարենպատակ ընկերություն»
- 3) «Հայրենասերների միություն»
- 4) «Պաշտպան հայրենյաց»
- 5) «Հայասեր-ազգասեր»

1	2	3	4	5

- ա) Ալեքսանդրապոլ
- բ) Կարին
- գ) Վան
- դ) Կ.Պոլիս
- ե) Երևան
- զ) Մոսկվա

4. Համապատասխանեցնել հեղինակների և նրանց ստեղծագործությունների անունները: (1 միավոր)

- 1) Հովհաննես Այվազովսկի
- 2) Գևորգ Բաշինջաղյան
- 3) Գալուստ Կոստանյան
- 4) Ստեփանոս Պալասանյան
- 5) Վարդգես Սուրենյանց

1	2	3	4	5

- ա) <<Պատմություն հայոց>>
- բ) <<Մեթոդի վրա>>
- գ) <<Եղիշե Չարենցի դիմանկարը>>
- դ) <<Սալյմե>>
- ե) <<Երիմյան Հայրիկը Էջմիածնում>>
- զ) <<Ս. Ղազար կղզին գիշերով>>

գ. Գրել պատասխանները: (1 X 4 = 4 միավոր)

1. Տրվածներից առանձնացնել երկու կետ, որոնք Շահամիր Շահամիրյանի կազմած հայկական պետականության վերականգնման նախագծի հողվածներից չեն:

(0,5 X 2 = 1 միավոր)

- ա) Ռուսաստանի օգնությամբ ազատագրված Հայաստանը պետք է հռչակվեր հանրապետություն՝ խորհրդարանական կառուցվածքով:
- բ) Կառավարությունը գլխավորելու էր ազգությամբ հայ նախարարը:
- գ) Ռուսաստանում բնակվող հայերից և վրացիներից կազմվելու էին կամավորական զորաջոկատներ և ռուսական զորքերի հետ ուղարկվելու Վրաստան:
- դ) Հայաստանի կառավարությունը պետերբուրգում պետք է ունենար իր դեսպանը:
- ե) Հայաստանում 20 տարի ժամկետով տեղակայվելու էր 6-հազարանոց ռուսական զորք:
- զ) Հայաստանի մայրաքաղաքն էր դառնալու Վաղարշապատը կամ Անին:

--	--

2. Ստորև բերված պնդումներից որո՞նք են ճիշտ:

(0,5 x 2 = 1 միավոր)

ա) Հովհաննես Թուֆունջին 1666 թ. ժամանել է Փարիզ և հավաստիացրել ֆրանսիական արքունիքին, որ հայերը հույների հետ միասին պատրաստ են ապստամբել Օսմանյան կայսրության դեմ:

բ) Մահտեսի Շահնուրադը ճանապարհորդել է Եթովպիա՝ այդ երկիրը ևս հակաթուրքական պայքարի մեջ ընդգրկելու նպատակով:

գ) Իսրայել Օրին Կ.Պոլսից ուղևորվում է Իտալիա, որից հետո անցնում է Ֆրանսիա և մտնում զինվորական ծառայության՝ ստանալով սպայի աստիճան:

դ) Անգեղակոթի գաղտնի խորհրդակցությունում Իսրայել Օրուն խորհուրդ են տալիս դադարեցնել բանակցությունները Եվրոպական երկրների հետ և բանակցություններ սկսել ռուսական պետության հետ:

ե) 1701 թ. ամռանը Իսրայել Օրին գնում է Ռուսաստան և Պետրոս I-ին է ներկայացնում Ռուսաստանի օգնությամբ Հայաստանն ազատագրելու իր ծրագիրը, որը հայտնի է Մոսկովյան անունով:

--	--

3. Արևմտահայերի ազգային սահմանադրության վերաբերյալ ստորև բերված պնդումներից նշել երկուսը, որոնք ճիշտ չեն:

(0,5 x 2 = 1 միավոր)

ա) 1857 թ. Կ.Պոլսի ուսումնական խորհրդի անդամներ Ն. Ռուսինյանը, Գ. Օտյանը, Ս. Վիչենյանը (Սերվիչեն), Ն. Պալյանը և ուրիշներ մշակում են արևմտահայ համայնքի ներքին կյանքին վերաբերող մի կանոնադրություն և ներկայացնում համայնքի ընդհանուր ժողովի հաստատմանը:

բ) 1863 թ. մայիսի 17-ին Կ.Պոլսի Ազգային ընդհանուր ժողովը հաստատում կանոնադրությունը:

գ) Նիկողայոս Պալյանի առաջարկությամբ այն կոչում են <<Ազգային սահմանադրություն>>:

դ) Ազգային սահմանադրության համաձայն՝ ստեղծվում էին արևմտահայության կյանքը կազմակերպող մարմիններ՝ Ազգային ժողով, Ազգային կենտրոնական վարչություն, ազգային կյանքի տարբեր բնագավառներ սպասարկող խորհուրդներ:

ե) Ազգային ժողովը՝ որպես օրենսդիր մարմին, ընտրվում էր ամբողջ ազգի կողմից:

զ) Մկրտիչ Խրիմյանի շնորհիվ, ով 1869 թ. դարձել էր Կ.Պոլսի հայոց պատրիարք, սահմանադրությունը գործադրվեց Արևմտյան Հայաստանի բազմաթիվ գավառներում:

--	--

4. Ստորև բերվածներից ընտրել երկու ճիշտ պնդում:

(0,5 x 2 = 1 միավոր)

- ա) 1836-1837 թթ. Մխիթարյանները հրատարակում են «Նոր բառգիրք Հայկազյան լեզուի» մեծարժեք բառարանը:
- բ) 19-րդ դարի հայտնի քնարերգու բանաստեղծ էր Հարություն Ալամդարյանը, որի ջանքերով Կալկաթայում 1846 թ. բացվել է հայ իրականության մեջ առաջին երկսեռ դպրոցը:
- գ) Մեսրոպ Թաղիադյանը (1803-1858) հանրագիտակ մտավորական էր, բանաստեղծ, պատմաբան, խմբագիր, մանկավարժ, որի՝ տեսուչ աշխատած տարիներին Ներսիսյան դպրոցը վերածվեց հայ կրթական կյանքի կենտրոնի:
- դ) 1829 թ. սեպտեմբերին Խաչատուր Աբովյանը Դորպատի (այժմ՝ Տարտու) համալսարանի պրոֆեսոր Ֆ.Պարրոտի հետ եղել է Արարատի գագաթն առաջինը նվաճած արշավախմբի կազմում:
- ե) Պոլսահայ Համբարձում Լիմոնճյանի մեծ ծառայությունը 1830 թ. հայկական նոր ծայնագրության ստեղծումն էր:
- զ) Վիեննայում լույս տեսած «Տիեզերական պատմություն» երկհատորյակը, որը հայերենով գրված համաշխարհային պատմության առաջին ձեռնարկն էր, մեծ ճանաչում է բերում Ղուկաս Ինճիճյանին:

--	--

2) <<ՀԱՄԱՇԽԱՐՀԱՅԻՆ ՊԱՏՄՈՒԹՅՈՒՆ>> (5 միավոր)

ա. Նշել ճիշտ պատասխանը. 1-4-րդ առաջադրանքներ: (0,5 X 4 = 2 միավոր)

1. Ըստ ժամանակագրական հաջորդականության թվարկվածներից ո՞ր իրադարձությունն է տեղի ունեցել վերջինը:

- 1) Հռոմի գրավումը վեստգոթերի առաջնորդ Ալարիխի կողմից
- 2) Տիգրանի գրավումը Տրայանոս կայսեր կողմից
- 3) Գերմանական (Տևտոնական) թագավորության ծննունդը
- 4) Խաչակրաց արշավանքի կազմակերպումը ալբիգոյների դեմ
- 5) Վորմսի համաձայնագրի ստորագրումը

2. Ո՞վ է «Աստվածային կատակերգություն» պոեմի հեղինակը :

- 1) Ֆրանչեսկո Պետրարկա
- 2) Դանթե Ալիգիերի
- 3) Թովմա Աքվինացի
- 4) Պետրոս Աբելյար

3. Հռոմեական ո՞ր կայսեր օրոք Գալլիայի բնակիչները Ծերակույտում ընտրվելու իրավունք ստացան:

- 1) Դիոկղետիանոս
- 2) Վեսպասիանոս
- 3) Տիբերիոս
- 4) Կլավդիոս

4. Ե՞րբ է կնքվել խորհրդա-իրանական պայմանագիրը:

- 1) 1919 թ.
- 2) 1928 թ.
- 3) 1921 թ.
- 4) 1924 թ.

բ. (1 X 2 = 2 միավոր)

1. Գործիչների անունները համապատասխանեցնել նրանց հետ կապված իրադարձությունների հետ: (1 միավոր)

- 1) Ֆլավիոսների հարստության հիմնադրումը
- 2) Պուատիե ճակատամարտը
- 3) Բուլղարական թագավորության նվաճումը
- 4) Սեֆյանների պետության հիմնադրումը
- 5) Կովիկովոյի ճակատամարտը
- 6) Չինաստանի նվաճումը
- ա) Կարլոս Մարտել
- բ) Վեսպասիանոս
- գ) Խուբիլայ
- դ) Դմիտրի
- ե) Իսմայիլ
- զ) Վասիլ II
- է) Նադիր

1	2	3	4	5	6

2. Իրադարձությունները դասավորել ըստ դրանց ժամանակագրական հաջորդականության: (1 միավոր)

- ա) Բրիան-Քելլոգի պակտի ստորագրումը
- բ) Ֆրանսիական զորքերի կողմից Սիրիայի արևմուտքի ռազմակալումը
- գ) Ճապոնիայի դուրս գալը Ազգերի լիգայից

- դ) Իտալական բանակի ներխուժումը Եթովպիա
- ե) Անգլո-ամերիկյան զորքերի մուտքը Իտալիա
- զ) Հակակոմիներենյան պակտի ստորագրումը Գերմանիայի և Ճապոնիայի միջև

1	2	3	4	5	6

գ. (0,5 X 2 = 1 միավոր)

1. Բերված պնդումներից ընտրել երկու ճիշտ պատասխան:

- ա) 1941-1942 թթ. Իրանի տարածքը ռազմակալվեց խորհրդային, անգլիական և ֆրանսիական զորքերի կողմից:
- բ) 1939 թ. նոյեմբերի 30-ին խորհրդային զորքերը ներխուժեցին Լատվիա, Լիտվա, Էստոնիա:
- գ) 1932-1934 թթ. ժնկում անցկացվեց սպառազինությունների կրճատման ու զինաթափման հարցերին նվիրված միջազգային կոնֆերանս:
- դ) 1898 թ. ԱՄՆ-ը Կուբային օգնելու պատրվակով պատերազմ հայտարարեց Իսպանիային:
- ե) 1928 թ. Չինաստանում սկսված քաղաքացիական պատերազմն ավարտվեց ականավոր հեղափոխական Սուն Յաթսենի հաղթանակով:
- զ) 1936 թ. Հնդկաստանի ազգային կոնգրեսի նախագահ ընտրվեց Մահաթմա Գանդին:

1	2

II. ՊԱՏԱՍԽԱՆԻ ԱԶԱՏ ՇԱՐԱԴՐԱՆՔՈՎ ԱՌԱՋԱԴՐԱՆՔ (3 միավոր)

1. Հայկական հարցը 1912-1914 թթ.

ա. Հայկական հարցի վերաբացումը

բ. Դիվանագիտական պայքարը Հայկական հարցի շուրջ

գ. 1914 թ. հունվարի 26-ի ռուս-թուրքական համաձայնագիրը:

Է. Մինայան

**Պատմության հանձնաժողովի նախագահ,
պատմագիտության դոկտոր, պրոֆեսոր**

17.04.2017 թ.